

Joyce Herry a entrega buki na Hulanda



ORANJESTAD (AAN): Informacion di Hulanda ta indica cu e autor Arubano Joyce Herry a haci entrega di su buki "Ollie, Assie y Pelie – un storia moderno tocante amistad" na Minister Plenipotenciario sr. Frido Croes. E buki aki ta un traduccion na Papiamentu di e buki cu Joyce Herry a publica na October aña pasa. E buki ta skirbi pa mucha y a keda ilustra cu pinturanan di Yvonne Duncan.

Sr. Croes a felicita Joyce Herry cu e bunita buki aki y a bisa di ta contento pa mira cu

nos autornan Arubano ta enriquece nos literatura hubenil cu bukinan den nos idioma Papiamentu.

Joyce Herry a nace na Aruba y a biba mas cu binti aña na su isla natal. Na 1966 el a bin Hulanda pa sigui un estudio pa secretaria profesional na e Intituto Schroevers. Como mucha caba Joyce tabata tin e ambicion pa bira escritora y awor a tuma e curashi pa realisa su soño.

Joyce Herry ta un di e autornan cu lo participa na e Siman di Buki na Aruba proximamente.